

APU SIMI QELQA N° 29800*

PERUSUYUNTIN UMALLEQ

IMA RAYKU:

Perusuyuntinpa Apullikunaq Rimanán Suntur wasimanta

Qomunku key kamacheq qelqata.

PERUSUYUNTINPA APULLIKUNAQ RIMANAN SUNTUR WASIMANTA

Qomunku key kamacheq qelqata:

KEY QELQAN NIN CHURAKUNANKUN ESTADOQ SUNTUR WASINKUNA PERUSUYU UMALLEQMANTA PACHA, REGIONKUNAPI, HUCH'UY LLAQTAKUNAPI UMALLEQKUNA, MAYPICHUS LLAKIPI KASHANKU RUNAKUNA PACHA KHATATATARIQTIN KARQAN CHUNKA PHISQAYOQ P'UNCHAY QHAPAQ SITUWA KILLAPI ISKAYWARANQA QANCHISNIYOQ WATAPI.

Hoq phasmin. Ruwakuchun chanin yuyaykuy askha qolqewan watiqmanta Ilaqta allchapakuchun, wakinpiqa musoqmanta Ilaqta ruwakuchun.

- 1.1 Ilapan suntur wasikunapi llank'aqkuna, Perusuyu Umalleqpa qhawasqan, kallantaq suntur wasikuna Regionkunapi, huch'uy llaqtakunapipas, may kamachus aypán llank'ananku ruwachunku hatuchaq yuyaykuyta Ilaqta qolqenwan llank'akuchun, aswantaqa haqay Cañete, Yauyos provinciákunapi, kaqllataq Lima hap'iypi, provinciákunapi, Ica Regionpi provinciá kashan Huaytará, Castrovirreyna, huch'uy suyu Distrito Manta, kaqllataq Acobambillapi, Huancavelica Regionpi, kasqan provinciá Huancavelicapi, chey wataraq chunka phisqayoq p'unchay Qhapaq Situwa killapi, Iskay waranqa qanchisniyoq watapi, Ilapan llank'asqaku key kamacheq qelqaman hina, hunt'akunanpaq.
- 1.2 Chanin yuyayusqanku Ilaqta qolqenwan llank'akunanpaq, nishan ñawpaq kaq t'aqanpi, Ilapanmi kamachisqa hunt'akunqa, wasikuna allchapakunqa, wakin wasikuna sinchi thuñisqa kashan, sayarichikunqa musoqmanta kaqllataq ruwakunqa imakunachus pisishan runakunaq tiyananpaq, mana kapunchu ñankuna purinapaq, karrokunapaq, unu yarqhakuna qarpanapaq, tuta k'anchananpaq illa, ruwakullanqataq unu purinqa soqosñinta, kaqllataq qhilli unu ch'umanapaqpis, Ilaqta wasikuna sayarinqa k'iqllukunayoq, Ilaqta muyuriqninpi wasikunapis, ruwakullanqataq Yachay Wasikuna, Hanpina Wasikuna, huch'uy hanpina wasikuna sutin Postas Médicas, imankuchus

* N.T. Perusuyuntinpa Apullikunaq Rimanán Suntur Wasimanta, qelqa t'iqramuq t'aca Castilla simimanta Runa simiman, t'iqramuqnin Claudio A. Conde C.

runakunaq tiyananpaq kanan llapanmi ruwakunqa.

- 1.3 Allin hatun yuyaykusqanku ruwanapaq qolqen mañakuna kanqa cheypaq qomunanku qelqata hoq Decreto Supremo, ichaqa q'emimunanan seq'enwan Umalleq Ministerio de Vivienda, Construcción y Saniamiento yanapamunan wakin suntur wasipi llank'aqkuna llaqtakunaq wasinmanta yachaq, ichachu llank'anan llaqtakunaq kawsayninpaq.
- 1.4 Llipsisipi churakunqa allin ruwaykuna yuyayusqanku, imarayku askha qolqewan llank'ay qallarikunqa, ichaqa suntur wasipi kurakakunan waturispa ninan arí allinmi llapan llank'ay yuyayusqakuna nispa, kashan tawa kaq t'aqanpi key kasqan qelqapi kamachisqakuna, hinaspapis suntur wasikunaq llank'ananpaq qolqen aypananpaq hinatan ñawpaq kaq rakinpi 1.1 kamachishan suntur wasikuna churananku qolqeta ña chaninchasqaña kashan, llaqtakuna, ayllukuna hallp'a khatatataqtin thuñirikun, hinaqa watiqmanta allchapanapaq, musoqmanta sayarichikunqa kanmi t'aqarisqa suntur wasikunaq qolqen.

Iskay phasmin. Pin Pikunan llank'anqa hatuchaq ruwanakunata.

Yuyayusqakuna llank'anakunan kashan hatuchaq, hinaqa pikunan qallarinqa llank'ayta, imarayku kashan askha qolqewan llank'ana, imaynatachus kamachishan ñawpaq kaq t'aqanpi key kasqan qelqa, allinta sut'inchamushan qelqapi Decreto de Urgencia 054-2011 kashan imayna llank'anankumanta, kamachisqaña kashan usqhayllaman ruwanapaq, llaqtakuna sayarichinapaq, hinallataq llaqtaq qolqenwan hatuchaq yuyayusqakuna llank'akunanpaq.

Kinsa phasmin. Imaynatan hatuchaq llank'anakuna ruwakunqa Perusuyuntinpa qoqelwan.

- 3.1 Tukukuyllanpiña pusaq t'aqanpi kamacheq qelqa 29078 nin, huñukuchun qolqe, llakipi, hallp'a kuyuriqtin llaqtakuna, wasikuna thuñirikuqtin, watiqmanta wasikuna llaqtantinpi sayarichinapaq, maypichus sinchi thuñisqa tarikun llaqtakuna, ña kashanña llakipi hallp'a kuyurirqan khatatatarqan, chunka phisqayoy p'unchay Qhpaq Situwa killapi Iskay waranqa qanchisniyoq watapi, chey llakipaq ña qolqe huñukurqanña sutin FORSUR, yuyayusqa hatuchaq llank'anapaq, llaqtakuna watiqmanta sayarichinapaq, llaqtaq qolqenwan, imarayku chey pacha sinchita wasikua thuñirikurqan, kunanqa watiqmanta, musoqamanta runakunaq tiyanapaq ruwana kanqa, hinallataq hatuchaq wasikuna llaqtaq kaqnin Yachay Wasikuna, Hanpina Wasikuna hoqkunapis, haqay chunka phisqayoy p'unchay Qhapaq situwa killapi, Iskay waranqa qanchisniyoq watapi.
- 3.2. Hatuchaq yuyayusqa llank'anakuna llaqtaq qolqenwan, kasqan llaqtakunallpaqtaq, thuñisqa llaqtakuna watiqmanta sayarichinapaq, manan hanqallachu, kananmi llipsisipi qelqasqa, imakunan llank'akunqa, hayk'a qolqewan ruwakunqa, imaynachus kamachisqaña kashan qelqapi llank'ananpaq suntur wasi Sistema Nacional de Inversión Pública, chanincharinqa, maykunapis llank'akunqa, hayk'a qoqewan ñawpaqtaraq waturinanku kanqa.

Tawa phasmin. Mayqenmi usqhayllaman llank'akunqa yuyayusqamanta

Kashanmi suntur wasi Ministerio de Vivienda, Construcción y Saneamiento paykunan qhawarinqaku mayqensi usqhayllaman llank'ay qallarinaq, key kamacheq qelqaq nisqanman hina, llank'anapaq rinamakuspa kuskachayukunqaku wakin suntur wasikunawan kashan hatun Perusuyuntipa kamachiqnin, kashan Regionkunapi, huch'uy suyukunapi Provincia, Distrito umalleqkuna churamunqaku, kallpata hinallataq qolqeta, aswantaqa maypichus llaki karqan hallp'a kuyuriqtin chey cheqaskunapi, hallp'a khatatatarirqan chunka phisqayoq Qhapaq situwa killapi Iskay waranqa qanchisniyoq watapi, saqen sinchi llakikuyta.

Phisqa Phasmin. Pikunan llank'aqta yachachinan, qhawan ruwasqankuta allin qhepananpaq.

Ninkun yachaqnin kashan Ministerio de Vivienda, Construcción y Saniamiento paykunan qhawan ichaqa ruwanan kashan keykuna:

- a) Qhawanmi qelqaman hina hunt'akunan llank'anakuna, waturinapaq kashanña qelqasqa key kasqan qelqapi hoq rakinpi huch'uy t'aqan 1.4. kunanqa qhawan makilla kanqa llank'aqkunata hunt'ashankuchu ruwayninkupi, imankuchu pisishan llank'aqkunapaq, paykunapis llipsipi kamachikuyta ñawinchaspa hunt'ananku.
- b) Churananmi yachaqta, hinallataq suntur wasikunapi munanku yachacheqta Regionkunapi, Provincia, Distrito, ichaqa maypichus hallp'a kuyuriqtin wasikuna, llaqtakuna thunijsqa karqan chey llaqtakunapi, yachaqkuna pusarinan llipsipi ima ruwanankuta, ima qelqakuna, mañakunankupaq mayman apanankuta.
- c) Ima ruwanankuta chanincharinqaku, ichaqa kanan mana sinchi sasachu, usqhayllaman atiylla kanan, llipsipi qelqa orqonanku Municipiomanta wasikuna ruwanankupaq musoqmanta wasikuna sayarichinapaq kanan llipsipi arí ruwayta atinkichismi chajra ruwanapi kunanqa llaqta sayarichun nispa kamachekuy lloqsimunan qelqapi, mana hinaqa huchan kanman.

Soqta Phasmin. Willakunamanta

- 6.1 Suntur wasikunan kashan yuyayusqa llank'acheq, llaqtaq qolqenwan ruwakushan, paykunan yachanku, churakunankun llaqa llank'asqakuna allin lloqsinanpaq, hunt'akunanmi llapan kamacheq qelqaq nisqanta, mana hinaqa llank'acheq suntur wasi kutichinqa imapis kaqtin.
- 6.2 Kallantaq suntur wasikunapi llank'asqa qhawaq, qolqe waturiq, kallantaq hoq wasikunapis qhawaqkuna llank'asqan chanin lloqsinanpaq, ichaqa willakunankun sapa kinsa killamanta imaynas kashan llank'asqakuna may kamas usqhakushan ruwaykuna, imarayku llaqtapaq, llaqtaq qolqenwan llank'akushan.

- 6.3 Sistema Nacional de Control wasipi llank' aqkunan qhawarin, waturin imaynas kashan llank' asqanku, cheqaqtachu hunt' akushanchu kamacheq qelqaq nisqan manachu.
- 6.4 Kallantaqmi hoq suntur wasikuna, kamacheq qelqa hunt' aqkuna, paykunan willananku sapa kinsa killa ukhupi, imaynas llank' aykuna usqhakushanchu manachu, willakuy chayanan Perusuyuntinpa Apullikunaq Riman Wasiman, kaqlataq chayachina Contraloria General de la República.

TUKUYKUNAPAQ YAPAYKUSQA KAMACHIKUYKUNA

ÑAWPAQ KAQ. Hayk' aqmanta qallarinqa kamacheq qelqa hunt' akuy

Kunan kamacheq qelqa hunt' akushañan ichaqa tukukapunqa kinsa chunka hoqniyoq p'unchay, Qhapaq raymi killapi Iskay waranqa chunka kinsayoq watapi, imaynatachus kamachikamun yapayusqanku qelqa Decreto de Urgencia 054-2011, nishan usqhayllaman llank' aykuna tukukunanpaq, hatuchaq yuyayusqa llaqtapaq ruwashanku, llaqtaq qolqenwan.

ISKAY KAQ. Mapichus llaqtakuna thufisqa karan pacha kuyuriqtin, llapanmi chey llaqtakuna watiqmanta sayarichisqa llank' asqa kanqa, ichaqa cheypaqmi kanan Qolqe hatun llank' ana kaqtin, pachan khatatatarqan, chunka phisqayoq Qhapaq situwa killapi Iskay waranqa qanchisniyoq watapi (FORSUR).

Llaqtakuna watiqmanta sayarichinapaq qolqen kanan, llapanmi musoqmanta ruwakunqa maykunapichus llaqtakuna thufisqa karan, haqay chunka phisqayopq p'unchay, Qhapaq situwa killapi, Iskay waranqa qanchisniyoq watapi, sutinmi FORSUR, paymi kutichinan, imaynas kashan llank' anakuna, qatipanan ruwaykunata tukukunankama, ichaqa imaynan kashan sapanka cheqaspi, manan ch'ullallachu llank' ana kanmi wakinpi sasapacha, kunan llank' ashanku, hatuchaq yuyayusqanku llank' aykunata, ruwachishan FORSUR, yanapaqnin kashan hoq suntur wasikuna, paykunan qolqeta qosqa, llaqtakuna sayarichinankupaq, kallantaq llipsipi yuyayusqakuna qelqaq yachasqakuman hina.

Ichaqa munanqaku willanata llapan llank' asqamanta, hinaqa manataq qolqe kapunmanchu, FORSURpa, kamacheq qelqapi nishan, llank' ana purinallanpuni kanqa, kashan sapanka suyupi suntur wasikuna, Región, Provincia, Distrito, paykunan, llaqtapaq llank' aykunata qatipanan, qolqenkoq kasqanman hina, ichaqa, llapanmi willananku imapi, hayk' a qolqe tukukusqanta, qelqapi willakunanku kanqa imaynatachus kamacheq qelqa nishan hina.

Key qelqaq lloqsimusqanta llipsipe chayachenqa FORSUR suntur wasipe umalleqman kashan Presidente del Consejo de Ministros, chunka phisqayoq p'unchay ukhullapi, llank' ana p'unchaykuna yupaypi key qelqaq lloqsimusqanmanta pacha, chayachinan qelqaman churanan kanqa, llapanta willananpaq, hayk' a llank' anakunatan ruwashanku, imaynañan kashan wasikuna ruwasqanku, hayk' a qolqewan, llapan llipsipi qelqasqa chayachinan kanqa suntur wasiman Contraloría General de la República, chayachillanqataq Perusuyuntinpa Apullikunaq Rimanan wasiman.

Kunan key kamacheq qelqaq lloqsimusqanmanta pacha hunt'akunqa ichaqa FORSUR manan atinmanchu musoq yuyayusqa llank'anakuna qallariyta, nitaq qolqeta atinmanchu oqariyta llank'akunanpaq.

KINSA KAQ.- Ima, maymanta qolqewan llank'aykuna atikunqa.

Maymanta pikunan churanqa qolqeta, hatuchaq yuyayusqa llank'aykuna qallarikunanpaq, kashanmi qolqekuna ña chaninchasqaña, key qelqapin nishan suntur wasikunapi umallqekuna hina Perusuyu Umalleq, Regiónpi Umalleq, Provinciapi, Distritopi, kashanmi ima sasachaypas kaqtin kanmi t'aqarisqa qolqe llank'anankupaq, ichaqa manan ninkumanchu, arí llank'asharqaykuñan chey qolqewan ñawpaqtaraq nispa, llapan imapi qolqe churasqanku willakuymi chayanan sapa wata tukuykama, kinsachunka hoqniyoq p'unchay Qhapaq raymi killa kamalla, kunanqa willakuypas tukukapunqa, Iskay waranqa chunka kinsayoq wata tukuy kamalla, ichaqa wakin atinkumanmi hap'ipayukuyta imaynachus kamachen Qelqa 27245, qanchis t'aqanpi, huch'uy rakinpi 7.1. kashan Texto Unico Ordenado, kamachishan nispa, musoq watapi llank'aykuna qatipanapaqqa lloqsimunanmi qelqa Decreto, orqomunan Ministerio de Economía y Finanzas, 27245 qelqan nin Ley de Responsabilidad y Transferencia Fiscal.

Llapan llaqta musoqmanta llank'aspa sayarichisqamanta, icha qolqe puchuqtinqa, haqay chunka phisqayoq p'unchay Qhapaq situwa killapi, Iskay waranqa qanchisniyoq watapi, pacha kuyurispá, chhapchikuqtin llaqtakuna thuñikurqan, llank'ay musoqmanta llaqta sayarichinapaq qomuranku qelqata Decreto de Urgencia 026-2007, qhawarikurqanmi maymanta llaqta musoqmanta sayarichinapq qolqeta orqosun nispa, ichaqa mañasqaku usqhayllaman suntur wasi Dirección General de Endeudamiento y Tesoro Público del Ministerio de Economía y Finanzas, mayqekunachus llaqta sayarichiypi llank'aq suntur wasikuna, hatuchaq ruwaykunatan yuyayukusqaku, kasqan key qelqan willakushan 3.1. t'aqa rimayninpi, 3 ñeqenpi, mañakuy hunt'akunanpaqqa, kamachisqa kashan 2 ñeqenpi, qelqa orqomusqanku Decreto de Uregencia 089-2009 pikunana ruwananpaq.

Tawa kaq.- Llapan imapi qolqe tukusqamanta sut'inchasqa kanan, ichaqa llaqtapaq wasikuna watiqmanta, musoqmanta sayarichisqamanta, maykunapichus pacha kuyuriqtin chhapchikuqtin llaqtakuna thuñikurqan haqay chunka phisqayoq p'unchaypi, Qhapaq situwa killapi, Iskay waranqa qanchisniyoq watapi (FORSUR).

Kunan willanqaku, ninqaku suntur wasipi umalleqman Presidente del Consejo de Ministrosman llapan qolqekunamanta chanincharinanpaq, t'aqarinanpaq thuñisqa llaqtakuna, pacha kuyuriqtin chhapchirikuqtin haqay chunka phisqayoq p'unchay Qhapaq situwa killapi, Iskay waranqa qanchisniyoq watapi llaqtakuna thuñikapusqa, kunan watiqmanta sayarichunqa llapan llaqtakuna maypichus pacha kuyuriqtin llaqtakunata thuñikurqan, kunan sayarichinqa (FORSUR).

Willakuchun Wiraqocha Perusuyuntinpa Munayninwan Umalleqman, key qelqa lloqsimunanpaq.

Lima llaqtamanta, chunka hoqniyoq p'unchaypi, Qoya killapi, Iskay waranqa chunka hoqniyoq watapi.

DANIEL ABUGATTÁS MAJLUF

Perusuyuntinpa Apullikunaq Rimananaq Suntur Wasipi Umalleq

MANUEL ARTURO MERINO DE LAMA

Perusuyuntinpa Apullikunaq Rimananaq Suntur Wasipi Iskay qatiqmanta ñawpaq kaq Umalleq

WIRAQOCHA PERUSUYUNTINPA MUNAYNINWAN UMALLEQMAN

CHEY RAYKU:

Kamachini willakuy mast'arikuchun suyuntinman, hunt'akuchuntaq

Qomunku Perusuyu Umalleqpa wasinmanta pacha, Lima suyupi kinsa chunka hoqniyoq p'unchaypi, Qoya killapi Iskay waranqa chunka hoqniyoq watapi.

OLLANTA HUMALA TASSO

Perusuyuntinpa Munayninwan Kamacheq Umalleq

SALOMÓN LERNER GHITIS

Consejo de Ministrosipi Umalleq